

10. Þbl. 1994



Kvinnlistablaðið

Konur í Vestfjarðaanga

FÉLAQSFUNDUR Vestfjarðaanga verður haldinn á Ísafirði laugardaginn 22. október kl. 11 f.h. í húsnæði Kvennalistans að Austurvegi 2 (Kaupfélagið). Rætt verður um undirbúning Alþingiskosninga, uppstillinganefnd, fjárlögun o.fl. Mætið vel og takið nýjar konur með.

Laugardagskaffi 22. október

Fyrsta laugardagskaffi vetrarins: STADA KVENNA Á PINQUM ALPÝÐUSAMBANDS ÍSLANDS 1940-1992. Ásdís Guðmundsdóttir greinir frá niðurstöðum rannsóknar sinnar.

Konur í Reykjanesanga

UPPSTILLINGANEFND minnir á skil tillagna um frambjóðendur í Pósthólf 138 í Kópavogi. Fundur verður í nefndinni 18. okt. FÉLAQSFUNDUR verður haldinn á Laugavegi 17 kl. 20.30 mánudaginn 24. okt. Rætt verður um stefnuskrárvinnu og annan undirbúning Alþingiskosninganna.

Laugardagskaffi 29. október

FEMÍNSTAFRÉTTIR FRÁ AMERÍKU. Kristín Ástgeirsdóttir fór við og breitt um Norður-Ameríku í septembermánuði. Hún mætir með glóðvolgar fréttir af bandarískri kvenfrelsibaráttu.

Laugardagskaffi 5. nóv.

UNDIR STJÓRN KVENNA. Hansína B. Einarsdóttir fjallar um stöðu kvenna á vinnumarkaði.

Fastir fundir framkvæmdaráðs

Framkvæmdaráð mun hafa fastan fundartíma í vetur sem hér segir 2. og 4. fimmtudag hvers mánaðar kl. 16.30 á Laugavegi 17. Elgí konur erindi við framkvæmdaráð geta þær gengið að því vísu á þessum tínum.



Áb. Kristín Halldórsdóttir
Útg. Kvennalistina, Laugavegi 17
Sími: 91-13725, fax: 91-2756

Fréttir af landsfund

Kvennalistakonur héldu sinn 12. landsfund að Varmalandi í Borgarfirði 11. - 13. nóvember sl. Fundinn sóttu um 100 konur, sem verður að teljast mjög gott, enda mikil í húfi, þar sem framundan eru fjórðu alþingiskosningamar á stuttri, en litríkri ævi Kvennalistans. Umræður voru ákafar og heitar, mikil og vel unnið í hópum, mikil synt, gengið, sungið og dansað, og má mikil vera, ef allar eru búnar að ná sér.

Góð fjárhagsstaða Kvennalistans

Ársreikningur Kvennalistans var nú í fyrsta sinn endurskoðaður af löggiltum endurskoðendum, þeim Ernu Bryndísi Halldórsdóttur og Margreti Q. Flórenz hjá Endurskoðun & ráðgjöf hf. Rekstrartekjur starfsársins 1. okt. 1993 til 30. sept. 1994 voru 12.813.531, en rekstrargjöld 9.057.303. Fjármunatekkjur að frádregnum fjármagnsgjöldum voru 271.458 og tekjur umfram gjöld því 4.027.686. Mörgum kom pessi niðurstaða á óvart og töldu jafnvel, að haldið hefði verið of fast um budduna (ekki ofsögum sagt af hinni hagsýnu!) og nær væri að verja meiru fé t.d. til kynningarstarfa. Aðrar minntu á, að kosningabaráttan framundan mundi auðveldlega gleypa þennan varasjóð og meira til. Auk pess var bent á, að framlag Kvennalistans til framboða vegna sveitarstjórmarkosninganna væri í rauninni framlag til kynningarstarfs.

Nokkuð var rætt um stöðu VERU og í framhaldi af því samþykkt tillaga þess efnis, að VERA fengi 700 þús. kr. framlag til kaupa á tölву og einnig til efniskaupa í blaðið.

Mikil vinna við stefnuskrána

Fyrir fundinum lágu drög að stefnuskrá Kvennalistans, sem starfhópar hafa unnið að síðustu vikurnar. Þessi drög voru rædd i hópum og sameiginlega á fundinum, og fram komu fjölmargar athugasemdir og ábendingar. Margar töldu textann of langan og ítarlegan og eiginlega henta fremur sem handbók frambjóðenda en sem kosningastefnuskrá. Því var ákveðið að reyna að stytta textann verulega og jafnvel fækka áherslupunktum í hverjum málaflokkki. Þegar drögin hafa svo verið endurunni með tilliti til þessara ábendinga, verða þau send út í alla anga til yfirferðar, en stefnuskráin verður endanlega afgreidd á samráðsfundi í janúar.

Brýn þörf fyrir skýra kvenfrelsísrödd

Miklar umræður spunnust um kosti og galla þess að bjóða fram sérstaka kvennalista eða í samfloti með öðrum. Rétt þótti að taka slíkar hugmyndir til umsjöllunar vegna umræðu í þjóðfélaginu, enda þótt engin beiðni um viðræður hafi borist frá einum né neinum, og raunar töldu margar, að enginn raunverulegur áhugi væri fyrir sameiginlegu framboði hjá forystumönum annarra stjórmálasamtaka. Mikill meirihluti þeirra sem tóku til máls tölzuðu gegn sameiginlegu framboði með öðrum, og að lokum var samþykkt eftirfarandi ályktun:

„Sjaldan eða aldrei hefur verið brýnni þörf fyrir skýra kvenfrelsísrödd í stjórmálabaráttunni á Íslandi. Landsfundurinn telur því, að enn sem fyrr sé mikilvægt að Kvennalistinn bjóði fram í eigin nafni í öllum kjördæmum landsins.“

Enn rætt um útskiptaregluna

Konur í Austurlandsanga lögðu fram tillögu um breytingu á útskiptareglunni, þ.e. að konur geti setið á Alþingi í 3 kjör-tímabil í stað tveggja, eins og nú er. Forsaga málsins er sú, að útskiptareglan var rædd á samráðsfundi í ágúst sl., en frekari umræðu þá vísað út í angana. Í umræðum á landsfundi kom hins vegar í ljós, að hún haði ekki fengið umsjöllun á félagsfundum allra anga, og því töldu margar sig vanbúnar til þess að taka afstöðu til breytingar á reglunni. Því var lagt til, að tillagan yrði send öllum óngum með tilmælum um, að þeir ræði hana og síðan taki samráð ákvörðun um málið.

Landsbyggðaangar vilja fund um stöðu sína

Konur í óngum utan höfuðborgarsvæðisins höfðu með sér sérstakan fund á Varmalandi og ræddu þar, hvernig bregðast skuli við fremur litlu fylgi Kvennalistans á landsbyggðinni. Vegna mikilla anna landsfundar þótti of lítill tími til þessara umræðna og því var því beint til framkvæmdaráðs að efna til sérstaks fundar hið fyrsta um stöðu anganna á landsbyggðinni. Fundurinn hefur verið ákveðinn laugardaginn 3. desember í húsnæði Kvennalistans á Laugavegi 17, og er vonast til þess að a.m.k. 3 konur frá hverjum anga sitji þennan fund.

Áróðurshópur fær two mánuði

Margar eru þeirrar skoðunar, að Kvennalistinn sé ekki sérlega duglegur við áróður og kynningarstarf, og var ákveðið að fara svoltíð yfir það mál. Samþykkt var að skipa fimm konur í áróðurshóp, sem starfaði frá 15. nóvember til 15. janúar, og voru eftirtaldar konur nefndar til þess verks: Anna Margrét Guðjónsdóttir í Vestfjarðaanga, Helga Gunnarsdóttir í Vesturlandsanga og Steinunn V. Óskarsdóttir, Hansína B. Einarssdóttir og María Jóhanna Lárusdóttir í Reykjavík.

Gómsæti og eyrnakonfekt á laugardagskvöldið

Vesturlandskonur önnuðust framkvæmd landsfundarins með miklum myndarbrag. Hver máltíðin var öðrum betri, og hápunkturinn var frábær veisla á laugardagskvöldið. Þar var boðið upp á gravlax, lambalæri með öllu tilheyrandi og sérlega gómsæta súkkulaðitertu í eftirrétt. Ekki létu þær þar við sitja, heldur buðu einnig upp á fyrsta flokks skemmtiatriði, hreint eyrnakonfekt, þar sem var söngur Dagnýjar Sigurðardóttur við undirleik Inglbjargar Þorsteinsdóttur. Að öðru leyti skemmtu konur sér sjálfar svikalaust með söng og dansi og allra handa kæti. Og ekki má gleyma sundlauginni góðu og heita pottinum, sem voru óspart notuð alla dagana.

Sprengdu alla tímaramma

Þrátt fyrir afar meðvitaða fyrirhyggju við skipulagningu dagskrár til þess að tryggja, að allt fengi sinn tíma, þá tókst það ekki sem skyldi. Konur þurftu að tjá sig mikið og sprengdu alla tímaramma, og á tímabili flaug sú frétt um sali, að megin-tillaga landsfundar yrði um fjölgun klukkustunda í sólarhringnum, og er það nú ekki í fyrsta skipti, að sú hugmynd kemur upp. En umræður voru altént kraftmiklar og afrakstur fundarins býsna góður, þegar tími gefst til að vinna úr honum.